

Ataatsimiinnerup ammarneqarnera
(Inatsisartut Siulittaasuat)

Inatsisartut 2012-mi upernaakkut ataatsimiinnerat maanna ammarneqarpoq.

Nuannaarutigeqaara Inatsisartunut ilaasortaqtikka upernaakkut ataatsimiinnermut matumunnga ullumi maanga ataatsimiittarfitsinnut tikilluaqqusinnaagakkit. Ataatsimiinnermi oqaluuserisassat pingaarutilit oqaluuserisussaavagut, neriuutigaaralu suleqatigiilluarnitsigut angusaqarfiulluartumik oqaluuseriumaarivut.

Naalakkersuisut inatsisiliortullu suleqatigiilluarnissaannik kissaateqarlunga taamatuttaaq Naalakkersuisunut ilaasortat qamannga pisumik tikilluaqqakka.

Taamatuttaaq nuannaarutigaara Inatsisartut Ombudsmandiat kiisalu Naalagaaffiup Siniisaa tikilluaqqusinnaagakkit.

Taamatullu aamma tusagassiortut ataatsimiinnermik malinnaasut tikilluaqqakka.

Sineriatsinni isorartoqisumi nunaqqativut tamaasa radiukkut, isiginnaarutikkut inatsisartullu nittartagaatigut Inatsisartut ataatsimiinnerannik malinnaasinnaasut pinngitsoorusunngilanga aamma tikilluaqqussallugit.

Ilisimatitsissutigissavara Inatsisartunut Naalakkersuisunullu ilaasortat tamarluinnangajammik ataatsimiinnerup ammarneqarnerani najuummata.

Inatsisartunut ilaasortaq Niels Thomsen 15. december 2011 Inatsisartunit tunuarpoq, taamaat-tumillu Siulittaasoqarfiup Jørgen-Ole Nyboe Nielsenip Inatsisartunut ilaasortatut nutaatut ataatsimiigiaqquneqarnissaa akuerisimallugu.

Qinigaanerup Misilinneqarnissaanut Ataatsimiititaliap Jørgen-Ole Nyboe Nielsenip qinigaas-innaanera akuersissutigisimavaa.

Tamanna tunngavigalugu matumuuna Jørgen-Ole Nyboe Nielsenip Inatsisartunut ilaasortatut invertinneqarnissaata akuerineqarnissaa Inatsisartunut inassutigaara.

Akerliusqarnerluni.....

Jørgen-Ole Nyboe Nielsen tikilluarit, Inatsisartuni inissannut ingissinnaavutit.

Inatsisartunut ilaasortaq Julianne Henningsen erninerminut atatillugu sulinngiffeqarnissaminik qinnuteqarsimavoq, taamaattumillu Siulittaasoqarfiup Kaali Olsenip Julianne Henningsenip er-

ninerminut atatillugu sulinngiffeqarnerani sinniisussatut ataatsimiigiaqquneqarnissaa akuerisi-mallugu.

Qinigaanerup Misilinneqarnissaanut Ataatsimiititaliap Kaali Olsenip qinigaasinnaanera akuersissutigisimavaa.

Tamanna tunngavigalugu matumuuna Kaali Olsenip Juliane Henningsenip erninerminut atatillugu sulinngiffeqarnerani sinniisussatut Inatsisartunit akuerineqarnissaaa inassutigaara.

Akerliusqarnerluni.....

Kaali Olsen tikilluarit, Inatsisartuni inissannut ingissinnaavutit.

Inatsisartunut ilaasortaq Jane Petersen, 31. maj 2012 tungaanugallartoq, napparsimalluni na-lunaarsimavoq, taamaattumillu Siulittaasoqarfíup Peter Lyberthip Jane Petersenip napparsi-manerminut atatillugu sulinngiffeqarnerani sinniisussatut ataatsimiigiaqquneqarnissaa akuerisimallugu.

Qinigaanerup Misilinneqarnissaanut Ataatsimiititaliap Peter Lyberthip qinigaasinnaanera akuersissutigisimavaa.

Tamanna tunngavigalugu matumuuna Peter Lyberthip Jane Petersenip napparsimanerminut atatillugu sulinngiffeqarnerani sinniisussatut Inatsisartunit akuerineqarnissaaa inassutigaara.

Akerliusqarnerluni.....

Peter Lyberth tikilluarit, Inatsisartuni inissannut ingissinnaavutit.

Taamatut oqaaseqarlunga najuuttut tikilluaqqoqqippakka. Neriuppunga ataatsimiinnivut pitsaasumik inerititaqarfiusumillu ingerlakkumaarivut, ataatsimiinnermilu anguniakkavut angujumaarivut.